

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVIII No. 8
Abril 21, 2007
www.philippinerevolution.org

Editorial

Hugot nga pamatukan ang pasismo kag saywar sang rehimeng US-Arroyo


Ang kampanyang saywar ang permi nga katuwang nga instrumento sang pagsabwag sang pasistang instrumento kag paglupig sa pumulyo. Ginapasingki ini subong kadungan sang wala pi-li nga mga pasistang atake sang rehimeng US-Arroyo batuk lunsay sa mga armadong rebolusyonaryong pwersa kag ligal nga demokratikong organisasyon kag partido.

Matingkad nga bahin sang Oplan Bantay Laya (OBL) II ang paghimo sang mga operasyong saywar. Talalupangdon labi sining mga nakaligad nga bulan ang labi nga pagsunson, pag-ikit kag pag-singki sang mga operasyong saywar nga sistematiko kag hugot nga ginahimo sang Malacanang kag AFP/PNP kadungan sang mga pagpamatay kag armadong pag-atake.

Katuyuan sang mga operasyong saywar nga musingan ang prestihiyo nga na-gaangkon sang mga rebolusyonaryong pwersa kag samaran sila sang pani-muot agud mapaluya sila kag ang ila suportang masa kag mas madali si-la mapapas. Kadungan sini, tuyo man sini nga hatagan-rason kag buyukon ang mga armadong atake kag iban pa nga mga porma sang pagpanglupig agud mapahipos ang ligal nga oposisyon, labi na ang pi-

nakadeterminado, militante kag progresibo nga demokratikong kahublagang masa. Katuyuan sang rehi-meng Arroyo nga patuban ang mga pasistang atake nga ini kag pagguwaon ang ila mga krimen kahimuan sang rebolusyonaryong hublag.

Ang rebolusyonaryo nga armadong kahublagan kag ang hayag nga demokratikong kahublagan nga nagasulong sang pungsodnon-de-mokratikong handum sa nagkalain-lain nga paagi ang ginabilang sang rehimeng US-Arroyo nga pangunahon nga sab-lag sa katuyuan sini nga magkapyot sa poder tubtub 2010 ukon lampas pa diri.



***Mga tampok sa
isyung nga ini ...***

**Reyd sa Dapecol:
108 armas naagaw**
PAHINA 3

**Pulang nga rosas para
sa akon asawa kag
tanan nga biktima**
PAHINA 6

**Himbunanay nga
Malacañang at Comelec**
PAHINA 9



Bal-an sang nagahari nga rehimen nga ang pagpamilit sini nga makapabilin tubtub 2010 ukon lampas pa pagasug-alawon sang labi nga pagbato sang mga pwersa nga ini kag sang pumuluyong Pilipino. Gani gintukod sang Malakanyang kag sang Cabinet Oversight Committee on Internal Security (COCIS) sini ang tatlo-ka-halintang sang sistematiko nga plano sang pagpanglupig kag saywar. Ang una nga halintang nagatum-ok sa subong nga pa-

nahon sang eleksyon, ang ikaduha sa panahon pagkatapos sang eleksyon kag paggamit sa bag-o nga layi nga ginatawag Human Security Act (HSA) kag ang ikatlo sa panahon halin 2008 tubtub 2010 ukon tubtub san-o mapalawig sang rehimeng Arroyo ang paghari sini.

Ginmanduan sang Malacanang ang mga yunit sang AFP-PNP kag ang Inter-Agency Legal Action group (IALAG) nga mag-imbento sang mga istorya, mga pagguwaon sa midya kag mga kaso nga ligal batuk sa mga rebolusyonaryong pwersa kag mga organisasyon kag personalidad sang ligal nga demokratikong kahublagan. Nagtukod man ang AFP sang mga Public Information Platoon bilang basehang yunit sang disimpormasyon katuwang sang mga yunit sa Civil-Military Operations (CMO) agud masiguro nga tanan nga kampanya militar may kadungan nga kampanya sang disimpormasyon kag saywar. Ginmanduan man ang mga *area command*, mga yunit tubtub platoon nga lebel kag mga yunit sa CMO nga ihanda ang organisasyon kag mga mekanismo para sa madasigan kag malaparan pagpalapnag sang ila disimpormasyon. Ginapapalapad kag ginapahugot sang militar

ang angot sini sa masmidya kag tanan nga alagyan sang impormasyon sa nagkalain-lain nga lebel kag sa-kup.

Wala untat ang kaaway sa pag-sugid sang mga imbento nga sugilanon kag kaso nga ligal. Ginapalapnag nila ang tiko nga mga kabutigan. Lakip sa mga sugilanon nga ini ang kuno nga "internal nga purgahan" kag "mass grave" sang Partido kag BHB, pagrekrut sang mga menor-de-edad sa BHB, pagkadalag sang BHB da produksyon sang iligal nga droga, mga arbitraryong pagpatay sa mga sibilyan, pwersahan nga pagpamuhis ukon pagpangilkil sa ordinaryo nga mangunguma kag magagmay nga negosyante kag iban pang krimen.

Labaw nga ginakakulbaan ni Arroyo ang ginapaabot nga pag-ani sang mga progresibong partido sang mas madamo nga pwesto bangud magatindog nga mabaskog nga haligi ini sang pangpulitikang oposisyon kag sang pagtinguha nga patalsikon siya sa poder.

Gani todo-larga naman subong ang kampanyang saywar batuk sa mga ini agud makalatag sang konano nga mga rason, ligal nga palusot kag suporta para sa plano sang rehimen nga ideklara nga "terorista" kag iligal ang mga partido nga ini. Subong pa lang ginahanda na sang rehimen ang ginapasanyog pa nga "opensibang ligal" sa ikaduha nga bahin, gamit ang HSA, agud patalsikon sila sa Kongreso.

Ginahanda sang rehimen ang tanan nga kundisyon para sa mas madakuan kag mas malaut pa nga mga pasistang atake sa ulihi nga halintang.

Pero nagsayup ang rehimen sa pagsigahum nga magamadinalag-on ini sa paglupig sa rebolusyonaryong kahublagan kag pagpahipos sa hayag nga demokratikong kahublagan paagi sang mga pasistang atake kag operasyong saywar. Wala nalingkang ang mga ini sa determi-

 <p>Tuig XXXVIII No. 8 Abril 21, 2007</p> <p>Ang <i>Ang Bayan</i> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.</p> <p>Mahimo ini i-download halin sa <i>Philippine Revolution Web Central</i> nga makit-an sa:</p> <p>www.philippinerevolution.org</p> <p>Nagabaton ang <i>Ang Bayan</i> sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.</p> <p>Malab-ot kami paagi sa e-mail sa: angbayan@yahoo.com</p>	
Kaundan	
Editorial	1
Himu-himo nga istorya sang AFP	3
Reyd sa Dapecol	4
Madinalag-on nga opensiba kag armadong aksyon sa Bicol, Abra, Antique at Iloilo	5
Hustisya para kay Grecil	5
Lider-masa sa Panay, gin-ambus kag ginkuot	6
Pulang nga rosas para sa akon asawa	7
Lider-mangunguma sa Bikol, ginpatay	8
Aksyon-pangbakwit sa Davao kag Samar	9
Pang-atake sa midya	9
Ginaipit gihapon si Ka Satur	10
Himbunanay sang Malacanyang kag Comelec	11
<p>Ang <i>Ang Bayan</i> ginabantala duha ka beses kada bulan sang Komite Sentral sang Partido Komunista sang Pilipinas</p>	

nasyon nga magbato kag ibagsak ang nagaharing rehimen, ano man ini kasingki ang pagpamintas, pagbinutig kag pagpanguyapot sini sa gahum.

Malahalón nga katungdanan su-bong sang tanan nga yunit sang Partido, BHB kag rebolusyonaryong kahublagan kag iban pa nga pumuluyo ang tanan-nga-bahin nga pagpa-singki sang paghimakas. Kadungan man sini, katungdanan sang tanan ang paghimo sang sige-sige, mada-sig, sistematiko kag lapnagon nga pagbuyagyag kag pagpakamalaut sa mga pasistang atake, saywar kag ta-nan nga kagarukan, kabutigan kag

kapintas sang rehimeng US-Arroyo kag mga armadong pwer-sa sini.

Kinahanglan sang mga partikular nga ti-kang para sagngon kag paslawon ang masingki nga mga pasistang atake kag proyektong say-war sang AFP. Da-pat permi mangin handa ang ka-da organo, komite kag yunit sang Partido, ku-mand sang



BHB, selula sang NDF kag mga orga-nisasyong masa sa madasig nga pag-buyagyag sang mga krimen kag ka-butigan sang AFP sa mga sakup ni-la nga lugar. Dapat labawan sang mga rebolusyonaryong pwersa ang mga pagtinguha sang rehimen sa patag sang propaganda.

Responsibilidad sang mga natungdan nga yunit ang gilayon nga pagti-pon sang mga kina-hanglanon nga datos agud kontrahon ang operasyong saywar sang kaaway. Dapat gilayon nga mapadala ang report sa mga na-

tungdan nga organo kag makapag-guwa sang pahayag sa tradisyunal nga midya kag mga bag-o nga alag-yan sang impormasyon pareho inter-net samtang ginasiguro ang sigurad sa amo sini nga pagtinguha.

Dapat sistematiko ang pagbu-yagyag sang pasismo kag kagarukan sang rehimen samtang ginapatam-pok ang pagpangibabaw kag kada-lag-an sang mga paghimakas sang pumuluyo kag sang rebolusyonaryong kahublagan. Sa partikular, dapat mas palaparon kag mas pasing-kion pa ang pagbuyagyag kag pag-bato sa mga kongkretong kaso sang pasistang terorismo sang estado, korapsyon, pagpamuyong, pagdina-ya sa eleksyon, sarisaring krimen kag mga polisiya nga kontra-pumu-luyo kag maki-dumuluong nga rehi-meng Arroyo.

Pinakaepektibo nga sabat giha-pon sa pagpasingki sang pamasista kag saywar sang rehimen ang pagpa-ayo, pagpadasig, pagpalapad kag pagpasingki sang kahublagang pro-paganda kag kahublagang protesta, pag-id-id sang hilikuton masa kag pagpabaskog sang mga paghimakas antipasista, antipyudal kag anti-im-peryalista, kadungan sang pagpa-singki sang armadong paghimakas sa bilog nga pungsod.

Himu-himo nga istorya sang militar, ginhimutig sang BHB

Mabaskog nga ginapangin-wala sang Bag-ong Hangaway sang Ba-ryan (BHB) sa Panay ang kabutigan sang AFP nga gintuyo kuno nga patyon sang BHB ang isa mangunguma sa Iloilo sadtong Abril 6. Suno kay Ka Ariston Remus, tagapamaba sang Napoleon Tumagtang Command-BHB sang Southern Panay, wala kahilabtanang ang BHB sa tuyo nga pagpatay kay Jodie Morante, isa ka mangunguma sang Bara-ngay Tiddalan, Miag-ao. Pagpanamad lamang ini sang AFP batuk sa ar-mado nga rebolusyonaryong kahublagan sa isla.

Hapon sang Abril 6 gindakup si Morante sa Barangay Camiri, Miag-ao sang apat nga armadong lalaki. Ginpalapta sang AFP nga naakig ku-no sa iya ang BHB bangud wala siya nagabayad sang buhis. Nakapa-lagyo si Morante pero naigo anay siya sa wala nga kamot sang lutha-ngon siya sang mga kriminal. Gilayon naman siya nga gindala sa ospi-tal. Masunod nga adlaw, gilayon nga ginhatagan siya gwardya nga mi-litar.

Samtang, ginpangin-wala naman ni Leonardo "Ka Parago" Pitao sang 1st Pulang Bagani Command sa Southern Mindanao Region ang kabutigan sang 73rd IB nga minasaker kuno sang BHB ang isa ka pa-milya sa Calinan, Davao City sadtong Abril 9. Suno kay Ka Parago, in-di ang BHB kundi ang Alamara, isa ka anti-komunista nga grupong vi-gilante, ang nagpatay sa pamilyang Gonzaga sa Barangay Calagdag, Calinan.

Ginapadalagan sang 73rd IB na nakaistasyon sa Calinan ang Ala-mara. Una ini nga gintukod halin sa mga elemento sang Citizens Ar-med Forces Geographical Unit (CAFGU) nga naga-opereyt sa mga pru-binsya sang Davao.

Suno kay Ka Parago, mahaba na ang lista sang pagpamatay, pag-pangawat kag iban pa nga krimen sang Alamara sa malayo nga bara-ngay sang Davao.

AB

AB



Reyd sa Davao Penal Colony

108 armas naagaw


Madinalag-on nga nalunsar sang mga Pulang gerilya sang Merardo Arce Com-mand (MAC) sang Bag-ong Hanga-way sang Banwa ang isa ka wala-lupok nga reyd sa Davao Prison and Penal Farm (DPPF) sa Sto. Tomas, Davao del Norte sining Abril 7. Ang DPPF ukon mas kilala sa sadto nga ngalan nga Davao Penal Colony ukon Dapecol ang pangatlo nga pi-nakadaku nga presohan sa Pilipi-nas.

Naagaw sang mga Pulang ha-ngaway ang 105 nga malaba nga armas, tatlo ka malip-ot nga pusil, duha ka *hand-held* nga radyo nga VHF kag mga bala. Ang reyd nga ini amo ang isa sa mga taktikal nga opensiba nga may pinakadamu nga armas nga naagaw halin sa mga nagliligad nga tuig.

Ala-1:30 sang kaaganhon sang makalab-ot sa pwertahan sang Dapecol ang mga Pulang hangaway nga nakauniporme militar. Sakay sila sa lima ka ginrentahan nga *van*.

Sa pwertahan sang Dapecol nagpakuno-kuno sila nga halin sa isa ka kasal kag nasamad ang ma-kina sang isa sa mga salakyan. Gi-layon nga nadisarmahan ang duha ka gwardya. Isa ka platun sang mga Pulang gerilya ang nagsulod sa *compound* sang *administration building* kag sang *armory*. Madasig na ginkumpiska ang tanan nga pu-sil diri. Wala sang ginsakit sa mga gwardya bangud wala sila nagbato. Naglab-ot lamang sa 20 minutos ang bilog nga operasyon.

Nagpalupok ang mga Pulang hangaway sng isa ka *command-de-tonated* nga bomba sa isa ka dalan alas-4 sang kaaganhon agud pung-gan ang ano man nga operasyon



nga panglagas sang militar ukon pulis.

Daku nga bunal sa rehimeng Arroyo ang operasyon nga ini labi na nga ginapabugal sang rehimen nga waskon kuno sini ang BHB paglab-ot sang 2010. Ang masobra isa ka gatos nga hinganiban nga naagaw pat-ud nga magamit agud arman ang mga dugang nga yu-nit sang BHB.

Labaw ang kalipay sang bilog nga rebolusyonaryong hublag sa kadalag-an nga ini sang BHB-MAC. Nagaserbi ini nga inspirasyon sa BHB sa bilog nga kapuluan sa pag-lunsar sang mas madamu pa nga taktikal nga opensiba sa tunga sang mga pasistang atake sang rehimeng Arroyo sa pumuluyo. Naga-serbi man ini nga inspirasyon sa bilog nga rebolusyonaryong hublag

kag pumuluyo nga labi nga isulong ang nagkalain-lain nga pagbato sa arogante nga rehimeng Arroyo.

Ginapanawagan sang Partido Komunista sang Pilipinas na tula-ran ang reyd sa Dapecol, maglun-sar sang mas madamu pa nga tak-tikal nga opensiba kag mag-agaw sang mas madamu pa nga armas halin sa kaaway. Ginahangkat sang PKP ang tanan nga yunit sang BHB nga maglunsar sang sunud-sunod nga mga taktikal nga opensiba, lampasan ang numero sang armas nga naagaw sa Dapecol, silutan ang pinakamalaut nga pasistang kriminal kag buyong, hatagan sang mas mabaskog nga bunal ang rehi-meng Arroyo kag pataason sa bag-o kag mas mataas nga halintang ang inaway banwa.

AB



Madinalag-on nga opensiba kag armadong aksyon sa Bicol, Abra, Antique kag Iloilo

Indi magnubo sa duha ka suldado halin sa "C" Coy sang 2nd IB ang napatay sang salakayin sila sang mga Pulang gerilya sang BHB sadtong Abril 18 sa Barangay Villanueva, Gubat, Sorsogon. Duha pa ka suldado ang napilasan, suno sa inisyal nga report. Wala sang kaswalti sa bahin sang BHB.

Samtang, madinalag-on nga gin-ambus sang mga Pulang hangaway sa idalum sang Agustin Begnalen Command (ABC) ang naga-operasyon nga mga tropa sang 41st IB sa Sityo Mananara, Barangay Poblacion, Lacub, Abra sadtong Abril 6. Walo ka suldado, lakip ang isa ka tinnyente, ang napatay sa ambus. Libre nga nakaatras ang yunit sang BHB.

Suno kay Diego Wadagan, tagapamaba sang ABC, ang ambus amo ang pagpatuman sa katungdanan

sang hangaway nga depensahan ang kaugalingon kag ang masa batuk sa operasyon nga ginalunsar sang AFP. Pila ka simana na nga nagaoperasyon ang mga tropa sang 503rd Brigade kag sang Regional Mobile Group sang PNP-Cordillera antes matabo ang paglambat. Sakup sang ila mga operasyon ang mga banwa sang Lacub, Baay-Licuan, Malibcong kag Tineg.

Santo sa Oplan Bantay Laya II, katambi sang kampanya sang kampanya militar sang AFP ang pagsabwag sang terorismo kag pagpamigos sa mga baryo nga sakup sang ila operasyon. May mga report sang pagpanamad sang mga propyedad sang pila ka residente. Ginaistriktuhan ang paghulag sang mga tagabaryo paagi sa pagdumili magtrabaho sa mga ulumhan kag magagmay nga

minahan. Duha ka pamatan-on ang iligal nga gin-aresto, ginhunong kag gintortyur. Ginpaandaman man ang mga residente nga paulanan sang bomba kag bala ang mga ginaakusahan nga katapu kag tagasuporta sang BHB.

Nagapadayon man ang paglunsar sang BHB sang mga aksyong militar batuk sa mga reaksyonaryong tropa kag gaway sini sa Panay. Ginlambatan sang mga Pulang hangaway diri ang isa ka iskwad sang 2nd Platoon sang "A" Coy sang 79th IB sadtong Abril 2 sa Sityo Anas, Barangay Tubudan, San Remigio, Antique.

Sa Iloilo, isa ka suldado ang napatay sang BHB sadtong Marso 26 sa Barangay Sagcup, Lambunao sang tuyuon nga salakayon sang 47th IB ang isa ka yunit sa idalum sang Jose Percival Estocada Jr. Command sang Central Front sang Panay. **AB**

Hustisya para kay Grecil kag iban pa nga mga bata

Hayag na gid ang tuman nga pagbinutig sang 101st IB kaangot sa pagkapatay sang ila mga tropa kay Grecil Galacio, isa ka siyam ka tuig nga bata, sa Barangay Kahayag, New Bataan, Compostela Valley sadtong Marso 31. Indi lang nga ginhimutig sang mga kasimaryo ni Grecil ang ginapanghambal sang AFP, napamatud-an pa sang independyente nga mga imbestigasyon nga malapitan siya nga ginluthang sa ulo.

Bangud diri, napilitan ang AFP nga magsiling nga ginapaminsar nila nga bawion ang nau-na nila nga istorya kag magpahayag sang pakitang-tawo nga

kahandaan nga magpangayo sang pasaylo sa pamilya ni Grecil. Sa amo pa man, ginapamilit gihapon sang AFP nga tagasuporta sang BHB ang amay ni Grecil sa desperado nga tikang nga hatagan-rason ang pagpatay kay Grecil.

Sining Abril 19, nagrali ang Gabriela kag Salinlahi-Alliance for Children's Concerns, upod ang mga ginikanan ni Grecil, sa atubang sang Camp Aguinaldo sa Quezon City agud sukton ang AFP.

Sadtong Abril 17, 300 nga residente sang Kahayag ang naglunsar sang martsa-rali agud pakamalauton ang pagpang-abuso sang AFP kag nanawagan nga palayason na ang mga yunit sini sa

ila komunidad.

Kadungan sini, nagpasaka sang kaso si Gelacio Galacio kontra kay 2nd Lt. Francis John Gabawa, ang lider sang yunit nga nagpatay sa iya anak. Nagpasaka man sang kaso ang pamilya sa Joint Monitoring Committee nga gintukod sang gubyerno sang Pilipinas kag National Democratic Front of the Philippines.

Antes sini, nanawagan ang Kabi-ba Alliance for Children's Concerns kag Children's Rehabilitation Center nga pasabton ang yunit militar nga naghimo sang krimen. Nanawagan man sila sa UNICEF nga imbestigahan ang kaso ni Grecil, kadungan sang tuman kadamu pa nga kaso sang pag-

Sundan sa "Grecil..." pahina 6



Mga lider-masa sa Panay, gin-ambus kag ginkuot


Sadtong gab-i sang Abril 12, gin-ambus sa Cabanbanan, Oton, Iloilo sang mga ginahuna-hunaan mga elemento sang 301st Brigade sang Philippine Army kag kahimbon sini nga mga bandidong grupo nga Revolutionary Proletarian Army-Alex Bongcayao Brigade (RPA-ABB) ang mga lider-masa nga sanday Maria Luisa Posa-Dominado, 52; Nilo Arado, 38; kag Jose Ely Garachico, 51. Si Dominado amo ang upisyal sang Selda-Panay. Si Arado amo ang upisyal sang Kilusang Magbubukid ng Pilipinas kag Anakpawis sa isla. Kag si Garachico amo ang *information officer* sang Karapatan-Panay.

Bag-o gid lamang sila mag-abot halin sa asembliya sang Anakpawis sa San Jose, Antique sang lambatan ang ginasakyan nila nga *pick up truck* sang mga armadong tawo nga sakay sa isa ka puti nga Nissan Urvan nga may plakang nga FVF-463. Samtang ginapatumtuman sila, gin-hunos kag ginluthang sa liog si Garachico. Sa paglaum nga patay na ini, ginbayaan siya nga nagahapaon sa dalan. Gindala naman sang mga kriminal ang salakyan upod sanday Dominado kag Arado. Masunod nga adlaw, nakit-an nga sunog ang salakyan sa isa ka tubuhan sa banwa sang Janiuay, kon sa diin may presensya ang RPA-ABB.

Gilayon nga naglunsar sang mga rali ang mga katapu sang Bayan Mu-

na, Anakpawis kag Gabriela sa Metro Manila kag Iloilo City agud kundenahon ang pagkuot kanday Dominado kag Arado kag ipamilit ang ila gilayon nga paghilway.

Ginkastigo ni Tomas Dominado, bana ni Luisa, ang pagpangkuot sa asawa kag upod sini, ang napaslawan nga pagpatay kay Garachico kag direkta nga gintudlo ang rehimeng Arroyo nga amo ang sa likod sang krimen. Ginkastigo niya si Capt. Lowen Gil Marquez, hepe sang 32nd CRS sang AFP, sa ginsiling



sini nga ang mga organisasyon sa idalum sang Bayan kag Bayan Muna amo ang mga "iligal nga kamot" sang rebolusyonaryong hublag. Siling ni Dominado, ginalatag sini ang kundi-syon agud ang mga ligal nga organisasyon nga ini atakehon sang mga armadong ahente sang estado.

Nagpasaka man sang petisyon para sa *writ of habeas corpus* sa Regional Trial Court (RTC) sang Iloilo City sining Abril 18 ang mga himata nanday Dominado kag Arado.

Ginhingo sa korte nanday Luis Posa, utod nga lalaki ni Dominado, kag Rosemarie, asawa ni Arado, nga manduan ang militar nga ipakita ang ginkuot nga mga lider-masa.

Partikular nga ginsambit sa petisyon amo sanday Maj. Juvenal Narcise, kumander sang 3rd ID sang Philippine Army nga nakabase sa Jambindan, Capiz; Col. Renato David, kumander sang 301st Brigade nga nakabase sa Dingle, Iloilo; kag Col. Mariano Perez sang Military Intelligence Battalion sa Camp Delgado, Iloilo City AB

"Grecil...", halin pahina 5

pang-abuso militar sa mga bata.

Suno pa sa Salinlahi-Alliance for Children's Concerns, madugay na nga taktika sang AFP nga bansagan nga "bata nga hangaway" ang mga menor-de-edad nga ginabiktima sang mga operasyong militar sini agud makalikaw ang AFP sa ano man nga salabton. Singkuenta'y kwatro na nga bata ang ginpangpatay sang AFP sa mga operasyon sini, kag ni isa sa ila wala pa nahatagan sang katarungan.

Ginatus-gatos man nga mga bata kag pamatan-on ang nagakabiktima sang nagkalain-lain nga paglapas sa

tawhanong-kinamatarung sa idalum sang rehimeng Arroyo. Pila sa ila ang 12 pamatan-on nga malantaw tani sang konsyerto sa Baguio City sadtong Pebrero 2006 pero iligal nga gindakup sa Mankayan, Benguet, ginhunong sang pila ka bulan kag ginkasuhan sang rebelyon; mga estudyante sang hayskol nga naga-edad 14 kag 15 (Aileen Quintos kag Rosemarie Tomas) nga ginpangluthang sang mga elemento sang 21st IB sadtong Enero 2007 sa Baggao, Cagayan kag ginkasuhan man sang rebelyon; sanday Jefferson Kennedy kag Joey, lunsay 15 anyos, nga natabuan sang nagaopera-

syon nga 76th IB nga nagapanguha sang lubi sa Lopez, Quezon, ginpa-budlayan kag gin-akusaran nga mga gerilya a sang BHB; lima ka menor-de-edad nga subong nakadetetiner sa DSWD matapos dakpon sila sang militar sa isa ka balay sa Leyte kon sa diin may nadakpan nga lider kuno sang BHB; kag 11 menor-de-edad nga gindakup samtang nagapanguma sa Basilan, ginpasibangdan mga elemento sang Abu Sayyaf kag tatlo ka tuig na subong nga nakapreso sa Camp Bagong Diwan sa Bicutan. AB

Pula nga mga rosas para sa akon asawa kag tanan nga biktima sang pagpanglupig

Ginsipi sa pahayag ni Kaupod Tomas Dominado, Jr. sa pagkuot sang iya asawa nga si Ma. Luisa Arches Posa kag kay Nilo Arado kag tuyoy nga pagpatay kay Leeboy Garachico.

Sang nagligad lang, sadtong Marso 28, ginhatagan ko sang 30 ka pula nga mga rosas ang akon asawa bilang simbolo sang 30 tuig namon nga magtiayon sa tunga sang ma-budlay nga paghimakas para sa demokrasya. Sa kasakit kag kalipay, updanay kami nga nakigmartsa sa pumuluyo, sa 38 tuig nila nga pagpakig-away para sa kahilwayan.

Magatapos na bala ini? Kagabi (Abril 12), pwersahan nga ginkuot sang mga ahente sang rehimeng Arroyo ang akon asawa kag si Nilo Arado sang Bayan. Ginluthang nila sa liog si Leeboy Garachico sang Karapatan kag ginbayaan sa pagpati nga patay na siya.

Sa pihak sang tanan nga sakripisyo kag peligro, gin-atubang kag nalampuwasan namon nga magtiayon ang 15 tuig nga paghimakas batuk sa diktaduryang Marcos, kag nagapadayon kamo nga aktibo para batuan ang mala-diktadurya nga rehimeng Arroyo.

Direkta ko nga ginatudlo ang rehimeng Arroyo kag mga berdugo sini nga responsable sa krimen sang pagkuot kanday Maria Luisa Posa kag Nilo Arado kag pagtuyo sa kabuhi ni Leeboy Garachico. Solo ang rehimeng Arroyo ang may motibo nga himuon ini nga krimen.

Ginakundenar ko si Capt. Lowen Gil Marquez, hepe sang 32nd Civil Relations Unit sang AFP, sa paghatag-rason sa armadong pag-atake sang estado sa nagkalain-lain nga progresibong organisasyon kag mga lider sini.


Wala untat nga ginatum-ok niya ang mga progresibong organisasyon

sa idalum sang Bayan kag Bayan Muna, Gabriela, Anakpawis kag Kabataan Party sa Panay (nga ginapamunuan sang mga biktima) bilang mga iligal nga kamot sang rebolusyonaryong Wala.

Bisan masakit, ginakasu-bo ko nga indi ko masikasong sang personal ang kaso sang akon asawa kag iya mga kaupdan. Indi ko pwede tugutan ang mga ahente sang rehimen nga himuon man sa akon ang ginhimo nila kay Luisa makaligad nga bansagan nila ako nga lider sang armadong Wala. Pero bisan halin sa malayo, nagakuha ako sang kusog sa halimbawa ni Luisa kag ako hipos, hugot sa buot kag determinado nga mag-asunod sa ila banas nga ginapula sang aton mga martir.

Lubos ako nga nalipay sa pagtiayon kag malaparan nga pagtinguha sang mga organisasyon, pamilya kag kaabyanan ni Luisa nga mapatuhaw siya kag agumon ang hustisya ano man ang pagaabtan sini, sa pihak sang mas daku pa nga mga pamahug sang pasistang atake. Ini naman ang kahulugan sang bilog nga kabuhi namon nga pagtinguha (ako, si Luisa kag mahimo pa sa iban nga aktibista kag lider)—nga amo man ang pagtinguha sang pumuluyo nga muklat, organisado kag may bastante nga kusog para agumon ang katarungan.

Tugutan ninyo ako nga isinggig



ang kahapdi sang akon balatyagon, amo man sang akon pamilya, sang pamilya ni Luisa, mga abyan kag mga kaupod. Bisan paano nabuhinan ini bangud nahibal-an namon nga isa ka tulo lamang ini sa dagat sang kapi-gusan, pagpanghimulos, kagulutmon kag kawadon-paglaum sang pumuluyo. Daku nga inspirasyon ang ginakuha namon sa pagpati nga ang katarungan kag kalinungan pat-ud lamang magagum kon pagsanyugon naton ang kolektibong pagtinguha nga agumon ang demokrasya. Nga solo paagi sa madugayan nga

paghimakas para sa kahilwayan naton maangkon ang aton mga katuyuan nga sobra nga mas matayog ikumparar sa ano man nga nahimonaton sa kabuhi. Nga ang katarungan para kanday Luisa kag Nilo matigayon lamang kon maangkon ang hustisya para sa tanan nga biktima sang pagpamigos sang estado.

Magahanda gihapon ako sang 31 ka mapula gid nga mga rosas sa masunod nga tuig, ano man ang maabtan sang kaso nga ini—ini isa ka kapat-uran. Magabaha man sang mga pula nga rosas sa isa ka tuig kag sa masunod pa nga mga tuig para sa tanan nga biktima sang pagpanglupig kag sa aton pumuluyo. Isa ka malapad na nga hardin sang mga bulak ang natanum nga lubos nagalambo nga ginahalad sa ila handum. **AB**



Lider-mangunguma sa Bicol, ginpatay

Pila ka kaso na naman sang pagpamatay, pagkuot kag pagpanglupig sa mga progresibong organisasyon kag mga aktibista ang nareport sining nakaligad nga mga inadlaw. Pinakamatingkad nga kaso ang pagpatay sa isa ka militanteng lider sa Sorsogon.

Abril 16. Ginpatay sadtong alas-6:45 sang aga sa Sorsogon City si Willie Jeruz, 43, organisador sang Samahan ng Magbubukid sa Sorsogon-Kilusang Magbubukid ng Pilipinas (SAMASOR-KMP). Ara sa atubang sang iya balay si Jeruz sang luthangon siya sa ulo kag lawas sang isa ka lalaki. Nalagyo ang tagluthang sakay sang isa ka motorsiklo nga may plaka nga EM-5718.

Abril 12-14. Ginkuot sa Lapu-Lapu City, Cebu sang mga ahente sang Military Intelligence Group kag ginhunong sang duha ka adlaw sanday Beethoven Avila, 28, *coordinator* sang partido nga Kabataan kag Precious Dano, *coordinator* sang Bayan Muna. Gin-interogar sila bahin sa ila mga aktibidad kag ginaakusahan sila nga mga upisyal sang Partido Komunista. Sang ginpresentar sila sa korte sa Toledo City nga ginhalinan kuno sang mandamyento de aresto batuk sa ila, gilayon nga ginmandu sang korte ang pagpahilway sa ila bangud depektibo kuno ang mandamyento.

Abril 11. Ginhilway sa atubang sang SM City sa Dasmarias, Cavite si Lourdes "Nanay Ode" Rubrico, 61, makaligad kuoton siya kag idetine sang walo ka adlaw sang mga elemento sang Philippine Air Force nga nakabase sa Lipa City. Si

Nanay Ode amo

ang presidente sang Ugnayan ng Maralita sa Adhika at Gawa (Umaga), isa ka grupo nga kadampig sang Kadamay. Suno sa iya anak nga si Jean Apruebo, wala untat nga ginpamangkot ang iya iloy nahanungod sa mga lider kag myembro sang nagkalainlain nga mga progresibong organisasyon. Ginpaadaman man siya nga masunod nga kuoton amo ang isa sa iya mga anak. Ginpakamalaut man ni Apruebo ang pulisya sang Cavite bangud sa baylo nga imbestigahan ang pagkuot kay Nanay Ode ginpalapta sini ang kabutigan nga dalahig sa pagbaligya sang mga peke nga titulo sang duta ang biktima.

Abril 7. Lima ka myembro sang Karapatan sa Leyte ang ginkuot sang mga elemento sang 17th IB. Isa sa mga ginkilala nga biktima amo si Charlie Fortaliza nga pwersahan nga gindakup sang mga militar bangud sa kaso nga murder nga ginpasaka kaaangot sa purgahan kuno nga natabo sadtong dekada 1980. Nauna na diri, gindakup man ang iya asawa sadtong nagligad nga tuig kag subong nakahunong ini sa Tacloban City.


Abril 2. Ginsunog sang mga elemento sang Regional Mobile Group sang PNP ang mga balay sang mga katapu sang Lakas ng Maliliit na Mangingisda a sa Masbate (Lambat-Pamalakaya) sa Sityo Bogang, Barangay

AltaVista, San Fernando, Masbate. Nasunog ang mga balay nanday Santos Ramirez, Lito Ontog, Ronnie Dellamas, Felipe Cabeles, Ricardo dela Pena, Eddie Cabeles, Lino Bona, Ligaya Bartolata, Danilo Nona kag Dominador Cabeles. Suno sa mga report, ang pagpanunog amo ang pag-silut sa pagsuporta sang Lambat-Pamalalakaya sa Anakpawis. Ginapako man sang mga militar ang mga residente kag lokal nga mga pinuno sang nasambit nga lugar nga sila nagasuporta sa BHB.

Marso 27. Ginkuot sang walo ka nakamaskara nga lalaki, naka-*combat boots* kag armado sang mga M16 si Josephine Nogoy sa Barangay Iba, San Jose, Tarlac. Si Nogoy, nga ginaakusahan nga gerilya sang BHB nagbun-ag paagi sa *caesarian section* sadtong Enero 16 kag nagapaayo sa balay sang iya hipag upod ang iya mga kapid nga lapsag. Tuhtub subong wala pa gihapon siya gintuhaw sang mga nagkuot nga sa iya.

Suno sa grupo nga *Desaparecidos*, isa lamang si Nogoy sa 16 nga biktima sang pagkuot halin Disyembre 16, 2006. Lakip sa mga kaso nga wala pa mareport sa Ang Bayan ang pagkuot sadtong Abril 3 kay Leonardo Cabeles sa Barangay AltaVista, San Fernando, Masbate; kay Villamor Adona, 63, sa Barangay San Isidro, Sta. Ana, Pampanga sadtong Marso 27; kay Abner Hizarsa, 55, sadtong Marso 22 sa Barangay Ilwas, Subic, Zambales; kay romualdo Balbuena, 55, sadtong Pebrero 25 sa Quinapondan, Eastern Samar; sa magtiayon nga Florentino kag Betty Branzuela sadtong Enero 19 sa Barangay Estaka, Dipolog City; kag kanday Gloria Pabillon, 40 kag Mary Joy Opo, 17, sa Albura, Leyte sadtong Disyembre 31.

AB



Pag-atake sa mga mamahayag, nagpadayon

Isa ka brodkaster sa radyo ang ginpatay kag isa ka korespondent ang napilasan sining Abril sa Nueva Ecija kag Quezon.

Ginlambatan sang duha ka armado nga lalaki sining

Abril 19 sang aga sa Lucena City sanday Delfin "Sonny" Mallari, Jr., koresponsal sang *Philippine Daily Inquirer* kag John-

ny Glorioso sang DZMM. Nakasakay ang duha sa isa ka kotse kag nagaagi sa Barangay Ibabang Dulay, Lucena City sang palukpan sila nga duha.

Napilasan si Mallari sa iya nawala nga kilid samtang si Glorioso wala maigo. Si Mallari, nga isa ka upisyal sang National Union of Journalists of the Philippines, isa man sa mga nagakastigo sa mga paglabag sa tawhanong-kinamatarung, korapsyon kag pagpang-ipit sa masmidya sa pungsod.

Antes ini, nakit-an ang bangkay ni Carmelo "Mark" Palacios, 41, sa Sityo Uno, Barangay Mapalad, Sta. Rosa, Nueva Ecija sadtong Abril 18. Si Palacios taga-Guimba kag reporter sang DZRB "Radyo ng Bayan." Ika-51 na siya nga mamahayag nga ginpatay sa idalum sang administrasyon ni Arroyo. Antes ginlikida si Palacios ginbulgar niya ang pagkadalang sang pila ka upisyal sang gubyerno sa "fertilizer scam."

AB

Akyson pangbakwit, kontra-militarisasyon sa Davao kag Samar

Paagi sa ululupod nga pagbakwit, napakita sang pumuluyo sang Davao kag Samar nga may ara sila nga mahimo nga paagi agud sablagan kag batuan ang militarisasyon sa ila mga pamaagi.



Sining Abril 11, ululupod nga nagbakwit ang 700 residente sang Manay kag Kasilak, duha ka barangay sang Panabo City makaligad nga ginbomba sang mga elemento sang 73rd IB ang ila mga baryo gamit ang mga eroplano nga OV-10. Ginhimo sang AFP ang pagpamomba bilang balos salakay sa madinalagon nga reyd sang BHB sa Davao Penal Colony sadtong Abril 7.

Agud hatagan-rason ang pagpamomba, ginpalapta sang AFP nga may nakit-an sila nga paghulag sang daku nga grupo sa lugar. Ginpagguwa man sang militar nga may engkwentro sa lugar sa tunga sang BHB kag AFP. Pinakadaku nga kabutigan ang ginsiling sang AFP nga ginhimo nga hostage sang mga Pulang hangaway ang pumuluyo sa lugar. Sang wala mag-epekto ang himu-himo nga mga istorya kag kabutigan, inakusahan naman sang AFP ang mga residente nga "nagpagamit" sa BHB.

Gilayon kag mabaskog ang pagpakamalaut sang mga residente sa wala pili nga pagpamomba kag mga kabutigan sang militar. Mabaskog nila nga ginhimutig ang himu-himo nga istorya sa kuno engkwentro sa ila lugar. Ginbalibaran man nila nga gingamit sila nga panagang sang BHB. Hungod sila nga nagtipon sa daku nga *gym* sang ila barangay agud likawan ang nagakahulog nga mga bomba nga nagsamad kag nag-

guba sa ila pangabuhian.

Samtang, nagaabot sa 83 pamilya ukon 438 katawo ang dululungan nga nagbakwit halin sa Barangay Huknan, Giporlos, Eastern Samar sadtong Abril 8 agud likawan ang militarisasyon sa ila komunidad.

Isa ka adlaw antes ang ululupod nga pagbakwit, gindakup kag ginbakol sang mga tropa sang 34th IB si Enrique Gelio, isa sa mga residente diri. Ginakusahan sang militar si Gelio nga tagasuporta sang BHB kag ginapilit nga itudlo ang kuno iban pa nga tagasuporta sang BHB.

Suno sa kapitan sang barangay nga si Napoleon Ladao, indi magbalik ang mga residente tubtub indi maghalin ang militar sa ila lugar. Tuyo nila nga palagyuhan ang kapintas sang militar gani nagdayon anay sila sa ila mga himata, kakilala kag mga abyan sa sentrong banwa sang Giporlos.

Suno sa Leyte Center for Development, kadam-an sa 200 nga mga bakwit mga bata nga manubo sa 15 anyos ang edad. Ginsagup sila sang nagkalain-lain nga organisasyon kag sang lokal nga gubyerno sang Giporlos.

Sa ululupod nga paghulag sang mga residente lunsay sa Davao kag Samar, epektibo nila nga napamatuhan ang militarisasyon kag nalikawan ang posible nga paglala sang mga paglapas sang tawhanong-kinamatarung.

AB

Ka Satur, padayon nga ginaipit

Halin nga ginhatagan sang Korte Suprema sang temporaryo nga kahilwayan si Rep. Satur Ocampo sang Bayan Muna sadtong Abril 3, wala untat siya nga ginaipit sang Malacanang kag AFP. Sa pihak sini, padayon nga nagabato si Ka Satur samtang labi pa nga nagabaskog ang suporta sang pumuluyo sa Bayan Muna kag iban pa nga progresibong partido.

Sining karon lang ginapakita na naman sang Malacanang ang kawad-on sang respeto sini sa desisyon sang Supreme Court. Sadto mismo nga adlaw nga ginmandu sang SC ang paghilway ni Ocampo, gilayon nga ginmandu ni Justice Sec. Raul Gonzalez kay Chief Prosecutor Jovencito Zuno nga suguran na ang pagbista sa kaso nga *multiple murder* batuk kay Ocampo. Sadtong Abril 10, ginmandu man ni Gonzalez ang pagpasaka sang 14 nga dugang nga kasong murder sa RTC sang Leyte batuk sa progresibo nga mamalidha.

Baliskad diri, ginahingyo ni Ocampo sa Korte Suprema nga pungan ang Leyte RTC sa pagbista sang mga kaso nga ginapasaka sang DOJ. Ginahingyo man ni Ocampo kay Judge Ephrem Abando sang Leyte RTC nga ipaiway ang pagdesisyon bahin sa tikang nga ini sang gubyerno.

Suno sa iya abugado nga si Atty. Romeo Capulong, "maathag ang peligro nga mag-agi sang permanente nga kahalitan si Ocampo" kon basta na lang batunon ang ginapasaka nga 14 nga dugang nga mga kasong murder kag kon liwat siya pagaarestuhon kag ihunong nga wala pyansa. Ginkastigo ni Capulong ang tikang nga ini sang gubyerno nga siling niya iregular kag nagatuyo lang nga unahan ang desisyon sang Korte Suprema sa nauna nga desisyon ni Ocampo nga ibasura ang depektibong kaso nga una nga ginapasaka batuk sa iya.

Dugang ni Capulong, dapat untaton ang tanan nga pagbista kon may ara nga napasaka nga reklamo sa Korte Suprema nga nagakwestyon sa kaso nga nasambit. Siling niya, pagasakaan nila sang kaso nga "contempt of court" (pagpangbastos sa korte) si Sec. Gonzalez bangud sa pagbastos niya sa desisyon sang Korte Sup-

rema. Determinado sila nga balabagan ang plano ni Gonzalez nga dayunon ang kaso sa Leyte. Luwas sa reklamo nga napasaka sa Korte Suprema, nagpasaka man sang petisyon si Ocampo nga sayluhon ang pagbista sang kaso sa Manila bangud sa mga rason pangseguridad.

Padayon ang paghimu-himo sang istorya. Kadungan sang mga maniobra nga ligal, nagapadayon ang opensiba nga saywar agud ipiton si Ocampo. Ginapaguwa sang militar ang kuno saksi nga nagahingalan Leonardo Tanay kag nagapakila nga himata nanday Juanito kag Pablito Danaet nga ginasiling ginpatay sadtong 1985 sa Leyte.


Tiko kag wala lohika ang pangrasonan ni Tanay. Ginapilit niya nga si Ocampo ang isa sa "utok" sang "Operation VD" sadtong dekada 1980 sa Leyte. Ini kuno bangud ginakilala siya sang mga anay myembro sang Bag-ong Hangaway sang Banwa (BHB) bilang katapu sang Komite Sentral sang PKP. Daku nga kabutigan man ang ginapakita ni Tanay nga isa ka "memorandum" kuno nga nagamandu sang "pagpurga" nga pirmado kuno ni Ocampo.

Paglapad sang suporta. Ano pa man ang himuon sang rehimen, indi gihapon sini mapungan ang pagbuhos sang suporta sang pumuluyo sa mga progresibong partido. Pati ang mga kapartido sini hayagan nga nagakontra sa pagpaniplang kag pagpang-ipit ni Arroyo sa mga ini. Isa ka halimbawa sini ang hayagan nga pag-endorso nanday Vilma Santos kag Sen. Ralph Recto kay Satur Ocampo, ang pangu-nahon nga *nominee* sang Bayan Muna, sa rali nga ginhiwat sadtong Abril 12 sa Plaza Independencia, Lipa City. Si Santos, nga nagadalagan bilang gobernador, kag si Recto, bilang senador, lunsay ara sa kampo ni Arroyo.

Sa Davao City, ginpanawagan ni Meyor Rodrigo Duterte sa mga katapu sang iya partido, ang Hugpong sa Tawong Lunsod, nga iboto ang Bayan Muna, Anakpawis kag Gabriela Women's Party. Isa sa mga pinakambaskog nga tagasuporta ni Arroyo si Duterte sa Mindanao.

Suno naman sa sarbey sang Pulse Asia halin Abril 3 tubtub 5, pinakamataas gihapon ang mga labaw nga boto nga makuha sang Bayan Muna (13.7%) sa mga grupong *party-list*. Mas mataas ini sangsa 11.9% nga nakuha sang BM sa sarbey sang Pulse Asia noong Pebrero 28-Marso 5.

AB



Himbunanay sang Malacanang kag Comelec, DBM kag iban pa

Padayon nga nagapakatig-a ang Comelec batuk sa panawagan nga ipagguwa ang pangalan sang mga nominado sang mga grupong *party-list*. Gusto sini nga punggan nga mabuyagyag kag mangin target sang mga pagpakamalaut ang daglagku nga personahe nga ara sa likod sang mga partido nga ginbuhian sang rehimen.

Sadtong nagligad ginpabayaang sang Comelec na mapagguwa ang ngalan sang mga nominado. Pero subong ginapahug sang diskwalipikasyon ang mga grupo nga *party-list* nga ipagguwa ang mga ini kag labi nga nagabalibad ang Comelec na ipahayag nila ang mga nasumiter nga listahan sang mga nominado.

Ginarason sang Comelec ang tiko nga interpretasyon sini sa *Party-list Law* ukon RA 7941. Ginadumili kuno sini ang pagpagguwa sang ngalan sang mga nominado sang mga grupong *party-list*. Pero ginasiling lamang sang RA 7941 amo nga indi dapat idungan ang ngalan sang mga nominado sa pagpaskil sang listahan sang mga grupo nga *party-list* kag wala sang ginasiling nga indi dapat ipagguwa ang ngalan sang mga nominado sa iban nga pagkahigayunan.

Samtang ginalikom ang ngalan sang mga nominado sang madamu nga nagguluwa paltik nga grupong *party-list* sang Malacanang, wala naman sang kakulba nga ginapagguwa sang mga matuod nga grupong *party-list* ang mga nominado sila.

Una na nga nabuyagyag nga masobra 20 sa 93 grupong *party-list* nga nahatagan sang akreditasyon sang Comelec para makapartisipar sa eleksyon sa Mayo ang mga prente sang Malacanang. Ang mga ini gintukod kag ginapondohan sang Malacanang paagi sa Office of External Affairs (OEA), sang Armed Forces of the Philippines kag sang masupog nga kleriko-pasistang National

Security Adviser ni Gloria Arroyo nga si Norberto Gonzales.

Sining Abril 20, ginpamatud-an ni Rep. Liza Maza sang Gabriela Women's Party ang himbunanay nga ini sang ginpakita niya ang kopya sang isa ka memorandum halin sa Office of

Concerns Group sa idalum ni Assistant Secretary Marcelo Farinas II nga may petsa nga Oktubre 16, 2006. Nakasaad sa memorandum ang paghingyo sa Office of the President sang P5.5 milyon badyet para suportahan ang pila ka grupo sang *party-list* pareho sang Babae Ka, Agbiyag Timpuyog Ilocano, League of Youth for Peace kag Kalahi Advocates. (Si Farinas nagbiya na sa pwesto kag sa subong isa siya nga nominado sang Agbiyag.)

Ang pagpadalagan sang madamu nga paltik nga partido nga magpwesto sang dugang nga mga alyado ni Arroyo amo ang bahin sang pangkabilugan nga plano ni Arroyo agud kawaton ang eleksyon, magtambak sang mga idu-ido niya sa Kongreso

paagi sang sistemang *party-list* kag kumpetisyahan ang mga progresibo kag tunay nga organisasyon nga *party-list*. Kabahin ito sang pagtinguha nga mapunggan nga makakuha ang mga pangontra ni Arroyo sang bastante nga isip sang boto nga kinahanglan para mapadayon ang *impeachment* pagbukas sang bag-o nga Kongreso.

Agud mahimo ini, ginkumplot sang Malacanang ang Comelec sa pagbaligya kag paghatag akreditasyon sa mga grupong *party-list*. Sa balor nga P100,000 tubtub P10 milyon, may akreditasyon na ang isa ka grupong *party-list* bisan indi ini pasado sa mga rekisito nga gintakda sang RA 7941. Madumduman nga nangin abo ang resulta sang beripikasyon sa bag-o nga grupong *party-list* sang masunog ang bodega sang Comelec sadtong Marso 11.

Nag-abot naman sa P7 milyon ang sukot para sa pagpadaug sang nasambit nga mga partido. Isa sa naki-pag-areglo sa Comelec para sa akreditasyon kag pagsiguro sang pagdaug sang mga partido nga ini sang Malacanang amo si anay Comelec Commissioner Virgilio Garcillano.

Ginabakal sang Malacanang sa balor nga tubtub P20 milyon ang pwesto sang *first nominee*, P5 milyon naman ang sa 2nd *nominee* kag P2 milyon naman ang sa 3rd *nominee* sang mga grupong *party-list*. Ginbakal sang Malacanang ang pwesto bilang *first nominee* sang grupong Bantay para sa masupog nga berdugo ni Arroyo nga si Jovito Palparan, Jr.

Pondo pang-eleksyon. Samtang, wala untat ang rehimen Arroyo sa pagpangalap sang mga pondo nga makurakot agud madugangan pa ang pangastos sa kampanya elektoral sini. Sadtong Abril 3, gin-anunsyo sang Malacanang na ang P25.2 bilyon nga kita sang rehimen halin sa pagbaligya sang mga sapi sang gubyerno sa Philippine Long Distance Telephone Co. nga nasekwester halin sa namatay nga diktador nga si Marcos ginta-

lana kuno sa mga proyekto nga magadula kuno sa kagulutmon. Sa subong masako sa pagpangita sang mga "ligal" nga maniobra ang mga idu-ido ni Arroyo para mapalapaw ang nasambit nga pondo kag magamit ini sa kampanyang elektoral, sa pihak nga dapat mabayaran pa ang P10 bilyon nga danyos sa mga biktima sang mga paglabag sang diktaduryang rehimeng Marcos sa tawhanong-kinamatarung. Kon ang pagasundon naman ang mga reaksyunaryong layi, dapat nakatalana ang pondo sa programa nga repormang agraryo. Balibad ni Socio-economic Planning Secretary Romuli Neri, ang bahin sang P20 bilyon nga pagagamiton para sa "pagpauswag kag pagdula sang kagulutmon sa mga mabukid nga lugar" kag P5 bilyon para sa programa nga pagpanagtag sang pagkaon sa mga nagutman amo ang "eks-tensyon sang repormang agraryo."

Ang P25.2 bilyon nga plano ipanagtag sang rehimen paagi sang mga kandidato sini subong nga panahon sang eleksyon luwas pa sa P1 bilyon nga pondo nga nauna na nga ginabahiwas para sa kampanya kuno batuk sa kagulutmon, pero ginagamit na subong sa pagpangampanya sang kampo Arroyo.

Sini naman nga ikaduha nga simana sang Abril, gin-aprubahan ni Sec. Rolando Andaya Jr. sang Department of Budget and Management (DBM) ang P150 milyon nga pondo nga pangbakal kuno sang 600 *computer* kag mga CD nga pang-edukasyon para sa eskwelahan sa una nga distrito sang Camarines Sur kon sa diin nagadalagan para sa Kongreso si Diosdado "Dato" Arroyo, anak sang peke nga pangu-lo. Ginpresyuhan ang mga ini sang P250,000 samtang P25,000 lamang ang aktwal nga balor sang kada isa sini kag P249,995 naman ang 42 CD nga kadungan sang kada *computer*.

Ginamaniobra kag ginaspasan ni Andaya ang pagpalasik sini nga indi na mag-agi sa kinahanglanon nga *bidding* ukon ano pa man nga pagproseso sang Department of Education (DepEd). Deretso ang naghalin nga pondo sa DBM nga kapot ni Andaya kag ginagamit lang ang ngalan sang DepEd sa pagbakal. Suno kay Bicol DepEd Regional Director Celestino Layon, Jr., sa peryodiko na lang nila nahibalan na amo kataas gali ang presyo sang mga ini.

Ang daku nga kurakot sa proyekto nga ini ang pagagamiton nga panggasto sa kampanya ni Dato Arroyo. Temporaryo nga nautat ang pagpatuman sang kagarukan nga ini bangud temprano ini nga nabuyagyag. Padayunon na lang liwat kuno ini makaligad ang eleksyon. **AB**

Antad sang nagaharing sahi kag masang anakbalhas, labi nga nagalala

Labi pa nga nagalala ang bangian nga sistema sang katingalan Pilipino sa idalum sang rehimeng Arroyo. Samtang nagakalumos ang anakbalhas kumunoy sang kaimulon, nagalutaw naman sa dagat sang kwarta ang mga nagaharing sahi.

Base sa tinipon nga datos sang Ibon Foundation, doble nga pilo nga mas daku ang kita sang tatlo ka pinakadaku nga burges kumprador sa kita sang 30% sang pinakaimol nga mga pamilyang Pilipino. Ang ginkumbinar nga kita nanday Jaime Zobel, Lucio Tan kag Henry Sy kag ila mga pamilya nagalab-ot sa \$7.5 bilyon ukon P360 bilyon. Samtang, nagaabot lamang sa P177 bilyon ang gintingub nga kita sang halos lima ka milyon nga pamilya nga nalakip sa pinakaimol.

Nagaabot sa 53% sang kabilugan nga kita sang pungsod ang ginabulsa sang ara pinakapunta nga 20% sang populasyon sang Pilipinas. Sa pihak nga bahin, 4.63% lang sang kita ang parte nga makuha sang pinakamanubo nga 20% sang populasyon.

Kumparar sadtong 1985, naggamay sang 1.8% ang parte nga makuha sang 60% nga populasyon nga pinakaimol. Samtang, nagdaku naman sang 1.2% ang parte nga makuha sang 20% populasyon nga may sarang.

Pamatuod lamang ang mga datos nga ini nga labi nga nakakonsentrar ang manggad sang pungsod sa pila ka dalagku nga burgesya kumprador kag dalagku nga asendero nga nagahimulos sa kusog kag balhas sang mga mangunguma kag mamumugon. Ginapakita sini ang malain nga bunga sang mga polisiya pang-ekonomya sang rehimeng Arroyo nga nagapabor sa mga dumuluong nga dalagku nga kapitalista kag kahimbon nga lokal nga nagaharing sahi.

Samtang, ginreport sang pinakaulihi mga pagtuon sang World Bank (WB) nga nagaabot sa 15 milyon nga Pilipino ukon 19% sang populasyon ang nagakabuhi sa kulang sa mas manubo sa \$ 1 (P50) kada adlaw. Kwarenta'y tres milyon nga Pilipino naman ang nagakabuhi sa \$2 (P100) lamang kada adlaw.

Gintumod man sang pagtuon nga nagaabot sa 507% ang tantos sang kaimulon sa kaumhan samtang 21.5% naman ang tantos sa kasyudaran.

Base naman sa pagtuon sang Global Call to Action Against Poverty (GCAP-Philippines, labi nga mas grabe pa sa ginasing sang WB ang kaimulon sa Pilipinas. Siling sang GCAP, masobra 16 milyon nga Pilipino ang nagakabuhi lamang sa P33.53 (\$0.68) sa isa ka adlaw. **AB**

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVIII Blg. 8
Abril 21, 2007
www.philippinerevolution.org

Editorial

Hugot nga pamatukan ang pasismo kag saywar sang rehimeng US-Arroyo


Ang kampanyang saywar ang permi nga katuwang nga instrumento sang pagsabwag sang pasistang instrumento kag paglupig sa pumulyo. Ginapasingki ini subong kadungan sang wala pili nga mga pasistang atake sang rehimeng US-Arroyo batuk lunsay sa mga armadong rebolusyonaryong pwersa kag ligal nga demokratikong organisasyon kag partido.

Matingkad nga bahin sang Oplan Bantay Laya (OBL) II ang paghimo sang mga operasyong saywar. Talalupangdon labi sining mga nakaligad nga bulan ang labi nga pagsunson, pag-ikit kag pag-singki sang mga operasyong saywar nga sistematiko kag hugot nga ginahimo sang Malacanang kag AFP/PNP kadungan sang mga pagpamatay kag armadong pag-atake.

Kastuyuan sang mga operasyong saywar nga musingan ang prestihiyo nga nagaangkon sang mga rebolusyonaryong pwersa kag samaran sila sang panimuot agud mapaluya sila kag ang ila suportang masa kag mas madali sila mapapas. Kadungan sini, tuyo man sini nga hatagan-rason kag buyukon ang mga armadong atake kag iban pa nga mga porma sang pagpanglupig agud mapahipos ang ligal nga oposisyon, labi na ang pi-

nakadeterminado, militante kag progresibo nga demokratikong kahublagang masa. Katuyuan sang rehimeng Arroyo nga patuban ang mga pasistang atake nga ini kag pagguwaon ang ila mga krimen kahimuan sang rebolusyonaryong hublag.

Ang rebolusyonaryo nga armadong kahublagan kag ang hayag nga demokratikong kahublagan nga nagasulong sang pungsodnon-demokratikong handum sa nagkalain-lain nga paagi ang ginabilang sang rehimeng US-Arroyo nga pangunahon nga sablag sa katuyuan sini nga magkapyot sa poder tuhtub 2010 ukon lampa sa diri.



***Mga tampok sa
isyung nga ini ...***

**Reyd sa Dapecol:
108 armas naagaw**
PAHINA 3

**Pulang nga rosas para
sa akon asawa kag
tanang nga biktima**
PAHINA 6

**Himbunanay nga
Malacañang at Comelec**
PAHINA 9

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angbayan@yahoo.com*